

Ա Ր Ա Ր Ա Տ

ԱՄՍԱԳԻՐ

ԿՐՈՆԱԿԱՆ, ՊԱՏՄԱԿԱՆ, ԲԱՆՇԱԽՐԵԿԱՆ, ԲԱՐՈՅԵԿԱՆ ԵՒ ԱԶԳԱՅԻՆ

ԹԻՒ Ե. — ՇՐՋԱՆ Է.

1874

ՏԱՐԻ Է. — ԾԱՅԻՍ 54

ԿՐՈՆԱԿԱՆ

ՊԱՏՄՈՒԹԻՒՆ

Ժ Ո Ղ Ո Վ Ո Ց

Հ Ա Շ Ա Ս Յ Ա Ն Ե Ա Յ Ց Ե Կ Ե Ղ Ե Ց Ի Ո Ց

Հ Ա Ն Դ Ե Ր Զ Կ Ա Ն Ո Ն Ա Ր ՈՒ Թ Ե Ա Մ Բ Բ .

(Շարունակում):

Գ Ղ . Լ Ե

Առաջին ժողով է Սիս, որ սահմանեցան
որոշելու եկեղեցական կանոնք:

(Ամբ Տեառն 1204):— Օգտարեալս պատարար երևելի իշխան Հայոց՝ ի զօրափարութեան Վրաց՝ բազումս ի նոցանէ կրեալ մեղադրութիւն, յազազս չունելոյ ընդ ինքեանս և Հայկական զօրացն ընդ իւրով իշխանութեամբ ըստ նոցայն սփորութեան զքահանայս և զշարժական սեղան, սակս տեսանելոյ զպատարագ և ընդունելոյ զսուրբ հաղորդութիւն, և նախանձ բարի յանձին բերեալ առ այս և հասու ևս լիալ, եթէ էր յառաջագոյն և

յազգս մեր այն սփորութիւն ի բացութեայս պատարաղել, այլ յեա Բազրատունեաց այն անհետացեալ, ապա գրէ թուղթ առ արքայ Լեւոն և առ Յովհաննէս Վաթուղիկոս, չև ևս լուեալ ըզկաթուղիկոսութիւն Գաւթի ի Սիս, առաքեալ անդր առ նոսա զգեսպանս, խնդրեաց ի նոցանէ զբերսին զայսոսիկ առաջարկութիւնս կարի հարկաւորագոյնս յայնմ ժամանակի. նոխ՝ շրջեցուցանել ընդ իւր զսեղան պատարագի. երկրորդ՝ զի քահանայք հանդիսիւ կատարեսցեն զպատարաղն, որպէս առնէին Վրաց սարկաւաղօք և զպրօք. և երրորդ՝ զտօն Վերափոխման և Խաչի կատարեսցեն ըստ աւուրց պատշաճի ընդ Վրաց:

Ապա Լեւոն արքայ ի վերայ այսօրինակ խնդրանաց Օգտարեայ, խորհրդեամբ Գաւթի Վաթուղիկոսի վաղվադակի հրամայեաց առնել ժողով առ ինքն ի Սիս ի շրջակայ եպիսկոպոսաց, վարդապետաց և վանահարց և իմաստնոց և այլոց բողոմաց. յորոց ի զումարման առաջի եղեալ զլինդիրսն Օգտարեայ, և ուղիղ և բա-

նաւոր դայնս դատեալ համաձայն առաքելական կանոնաց, ընդ որս և զինչ ինչ քննելիս՝ նուազեալս յայնմ՝ ժամանակի յահէ այլազգեաց յարեւելս ուրիք ուրիք՝ ի քննութիւն մատուցեալ, վճռով հաստատեցին ի ժողովն զութն զայսոսիկ բանս ի կանոնադրութիւն եկեղեցւոյ:

ա. Մատուցանել զգատարագ սարկաւազօք և դպրօք և քահանայական զգեստիւք, որպէս սովորութիւն էր յառաջն յազգի մերում, և որպէս օրէն է ամենայն Վրիստոնեից:

բ. Աւնել հրաման պատարագ մատուցանելոյ վրանաւ ի բանակի, ի վերայ շարժական սեղանոյ ի բացօթեայս:

գ. Մատուցանել պատարագ ոչ միայն վասն ննջեցիլոց, այլ և վասն կենդանեաց:

դ. Չտօն Վերափոխման սրբոյ Աստուածածնին կատարել յՕգոստոսի ժև, յորում աւուր և պատահացի, և զխաչին ի Սեպտեմբրի ժև, յերկիր տէրութեան Յունաց և Վրաց:

ե. Պահել ի ճրագայոյցսն Յայանութեան և Չաակի՝ մինչև ցերեկոյ, և յերեկոյին ոչ այլ իւրք լուծանել՝ բայց եթէ ձկամբք և ձիթով:

զ. Յարգել զպատկերս Փրկչին և սրբոց ամենայնի:

է. Մի՛ առանց գպիր ձեռնադրելոյ սարկաւազ ձեռնադրել:

ը. Մի՛ ստանալ կրօնաւորաց առանձին ինչ ստացուած, և կալ միաբան ի վանս և չուտել ևս զմիս:

Առեալ զեսպանաց Չաքարեայ իշխանի զայսոսիկ կանոնս ժողովոյն հանդերձ թղթով, գարձան առ նա յարեւելս:

ԳԼ ԼԶ.

Առաջին ժողով է Լոսի վասն պահելոյ զընն կանոնս ժողովոյն Սոսոյ:

(Ամք Տեառն 1205):— Ընկալեալ Չաքարեայ զթուղթ և զվճիռ ժողովոյն և զթուղթս երկուց Վաթուղիկոսացն Յովհաննու ի Հռովմկայ և Վաւթի ի Սիւհանդերձ պատգամաւ արքային Լեւոնի ի ձեռն զեսպանացն իւրոց, վասն որոյ առաքեալքն էին, ուրախութեամբ սրտի ժողով մեծ առնէ ի Լոսի քաղաքի վասն ընդունելոյ ըստ իւրումն ըզձի զկանոնսն. ուր հասին ըստ իշխանական հրամանի՝ Սանահնեցին Վրիգոր Տուտեորդի եպիսկոպոս Հաղբատայ, Յովհաննէս վարդապետ Սանահնի, և Վաւթ Վորարեցի, Սարգիս եպիսկոպոս Ընոյ, Վրթանէս Բջնոյ, Վրիգոր Վունայ, Յովհաննէս Վարուց, Լեղիս վանահայր Հաւուց թառայ, Տուրքիկ Թեղենեաց, Մոնոնիկ Վրիգոր Աեչառեցի, Սարգիս Սեանեցի, ընդ որս և Խաչատուր վարդապետ Տարոնեցի առաջնորդ Հոգարծնի վանաց, և Մխիթար վարդապետ Վանձակեցի Պօշ՝ առաջնորդ Վեակայ, և այլ բազում վարդապետք, վանահարք և քահանայք:

Սոքա հարք ժողովոյն իրրե ընթերցան զթուղթս և զվճիռս ժողովոյն Սոսոյ և եպիսկոպոսացն և թագաւորին, ոմանք հաւանեցան այնց՝ մանաւանդ Խաչատուր և Մխիթար վարդապետք. այլ որոց անհաւան գտան, զլիաւորք էին Տուտեորդին Վրիգոր, Վաւթ Վորարեցի, Յովհաննէս Սանահնի և այլք բազումք. որովք և երկպառակեալք քակուեցան ի միմեանց:

ԵՎ յիտ այսորիկ Չաքարիա սպա-
սալար զերկպառակիչն կալեալ և կա-
պիալ ի բանտի, յամենայն վանորայս որ
ընդ իւր իշխանութեամբ պատգամաւորս
առաքէ և հրամայէ զկանոնսն կատարել և
զՆստուածածնի և զԽաչի զոօնսն ըստ
աւուրց պատշաճի կատարել և ի կիւրա-
կէս: Ըստ որոց և թշնամութիւնք, երկ-
պատակութիւնք, աղաղակք և կախք և
այլ արտասոււաց արժանի գործք գործե-
ցան՝ ասէ Աիրակոս պատմադիր:

ԳԼ ԼԵ.

Չորրորդ ժողով յԵնի, վասն ուրն կանո-
նաց ժողովոյն Սոոյ:

(Ըմբ Տեառն 1207):— Ըստ ի խաղա-
ղի Չաքարեայ Սպասալարի զշփոթու-
թիւնսն և զաղմուկս յեկեղեցականաց
Հայոց ի վանորայսն Հայաստանի յարե-
ւելս, որք յայնժամ առաւել ևս ստատ-
կացեալն էր ի նոսին, և վերստին ընդունե-
լոյ ամենեցուն նոցա յեկեղեցական արա-
բողութիւնս զութն կանոնսն ժողովոյն
Սոոյ, որոց վասն և արարեալ էր ժողով
յառաջնումն ի Լոռի, հրաման եհան
վերստին գումարել եպիսկոպոսաց և
վարդապետաց յԵնի առ ընդունելութիւն
կանոնացն՝ որպէս ասացաւ ի համօրէն ե-
կեղեցիս Հայաստանեայց:

Ընդ գումարեցան նոյն եպիսկոպոսք և
վարդապետք առաջնոյ ժողովոյն, այլ
յայտ՝ նուազի ոչ եկն ի ժողով անդր
Մխիթար Գօշ, որում ամենեքեան պատ-
կառ կային առ ծերութեանն՝ և առանց
նորին հաւանութեան չհաճէին ընդ կա-
նոնսն. ապա Չաքարիա սախպեաց ըզ-

վարդապետս ժողովոյն ընդունել զկա-
նոնս, որք խնդրանօք իւրովք առաքեալքն
էին, և ապ ձեռագիրս համաձայն թըղ-
թոց ժողովոյն: Ըստ այս թէև ժողովն
բովանդակ առանց ներկայութեան Գօշն
Մխիթարայ ըստ ամենայն ստիպմանց ըս-
պասալարին ոչ տային զհաւանութիւն՝
ընդունելութեան, այլ նորա ցուցեալ նս-
ցա զթուղթս հաճութեան Մխիթարայ
առ ինքն իսկ զրեալ. և ի չհաճել նոցա
ընդ այս ևս, կոչեալ զՄխիթար յապա-
րանս իւր ի վանաց նորա, և զկարծիս նո-
րա և հաւանութիւն ի բերանոյն իսկ լը-
ւեալ, ապա պատուիրէ նմին Մխիթարայ
երթալ արձակել միանգամայն զժողովն
յիւրաքանչիւր տեղիս, չանսացեալ այլ ևս
հաւանութեան ժողովոյն: Ըստ Մխի-
թար զպատգամս միայն առաքեալ զՉա-
քարեայ առ ժողովն, յորգորեաց զնոսա
գնալ ի վանս այր իւրաքանչիւր:

Բայց Չաքարիա սպասալար յիտ ա-
ւուրց ինչ զանհաւանս զամենեւին գաղա
ի միմեանց արտաքսէ ի վանաց յայլ և այլ
տեղիս. յորոց ոմանք ըստ խնդրանաց եզ-
բօր Չաքարիա Իւանէի անդրէն ի տե-
ղիսն դարձեալք, ըստ հաճութեան Չա-
քարեայ զկանոնսն կատարեցին ըստ Սոոյ
վճռոյն, և ոմանք ըստ իւրեանց սովորու-
թեան զպատարագն առանց պաշտօնէի
մատուցին և առանց քահանայական զգիս-
տուց, որք յետոյ անհետացան և ի նոցանէ:

ԳԼ ԼԸ.

Երկրորդ ժողով է Սէս, որ երան Բասն և
հինգ կանոն վասն եկեղեցականաց:

(Ըմբ Տեառն 1243):— Ի քսաներեքե-
րորդում ամի հայրապետութեան Աոս-

տանդեայ Աթուղիկոսի Մ. Բարձրբերդ-
ցեոյ՝ պէտպէս անկարգութիւնք մտեալ և
յազդ մեր, և ցոխութիւնք յիկեղեցականս
և ի ժողովուրդս, որպէս տարածեալ էին
յայնմ ժամանակի և յաշխարհ բովան-
դակ, մեծամեծ թուլութիւնք յայսպի-
սեաց լինէին: Ապա և Կոստանդին Ա-
թուղիկոս խնամ մեծ ի վերայ հօտին իւր
ցոցեցալ վասն զգաստացուցանելոյ զհա-
ւատացեալս իւր, ելեալ յաթոռանիսան
Հոովմկայէ, զնայ առ արքայ Հեթում ի
Արս. որոյ խորհրդով և հրամանաւ զու-
մարէ Ժողով մեծ ի զարման անկարգու-
թեանցն, յեպիսկոպոսաց, յառաջնոր-
դաց, ի վանօրէից և յիմաստուն վարդա-
պետաց, յորս երեւելի լինի և մեծն Ար-
դան Բարձրբերդցի. ևս և յաշխարհա-
կան իշխանաց արեմտեայ կողմանց հան-
դերձ արքայիւ և արքայորդուով յամի 1243:

Աւրանօր ապա յատեան Ժողովոյն
զիւրաքանչիւր անկարգութիւնն յառաջ
բերեալ և հերքեալ, ընդդէմ նոցին ամե-
նայնի կարգեցին Ժողովով զքսան և հինգ
կանոնս. որք թէպէտ և յառաջագոյն ևս
կային յազդի մերում, այլ ի շփոթու-
թեանց և յանկանիլ աշխարհին Հայոց
ընդ այլ և այլ իշխանութեամբ և ի ձեռս
խառն ազգաց, ազաւաղեալք էին այն ա-
մենայն կանոնք, զորս հաստատուն և վըճ-
ռովք կանոնադրեցին յայս երկրորդ Ժո-
ղով Սոյ. որք ըստ Արևիկոսի ականա-
տես պատմազրի Վանձակեցեոյ՝ ևն օրի-
նակ զայս:

« Զեռնադրութիւնք առանց զբամոց
լիցին:

Է. Ա կայեալքն միայն ընարեցին յի-
պիսկոպոսութիւն:

Զ. Եպիսկոպոսունք ձեռնադրեցին զէթ
երեսամեայ, աշխարհական երէցք քսան
և հինգամեայ, և սարկաւազք քսանա-
մեայ:

Դ. Երժանաւորք միայն ձեռնադրեցին
քահանայ և սարկաւազ:

Ե. Քահանայք ծով կատարեցին ըզ-
խորհուրդ եկեղեցեոյ՝ բաց ի վտանգէ մա-
հուան:

Զ. Խորհուրդք եկեղեցեոյ պատկառա-
նօք պաշտեցին:

Է. Եւազանն մկրտութեան հաստա-
տուն լիցի յիկեղեցեոջ:

Ը. Պատկ մի լիցի ի մերձաւոր ազգա-
կանս ցեօթն ճնունդ . . . :

Թ. Եպիսկոպոսունք կամ երիցունք
յայլոց թիմս մի իշխեցին կատարել ըզ-
պաշտօն իւրեանց առանց հրամանի:

Ժ. Յամենայն տեղիս ուսուցիչք կար-
գեցին:

Ժա. Չսուրբ զիրս միայն գիտունք և
ուղղափառք զրեցին:

ԺԲ. Երկիցս ի տարւոջ շրջեցին և-
պիսկոպոսունք յայցելութիւն ի թիմս
իւրեանց:

ԺԳ. Ծեր և զիտուն լիցին խոստովա-
նահարք, որք և յամենայն կիւրակէի յոր-
դորեցին զժողովուրդն ի խոստովանու-
թիւն:

ԺԴ. Չսուրբ հազարդութիւնն առանց
բուրվառի և մամեղինի մի տարցին առ
հիւանդս:

ԺԵ. Պոսնիկք և հմայոզք պատժեցին:

ԺԶ. Հայհոյիչք աշխարհական դատաս-
տանաւ պատուհասեցին:

ԺԷ. Պահք առանց ձկան և ձիթոյ պա-
հեցին՝ բաց ի հարկէ հիւանդութեան:

ԺԸ. Քահանայք եթէ պարսպեցեն վաճառականութեան կամ որսորդութեան՝ զըկեցին ի ժողովրդենէ իւրեանց:

ԺԹ. Ժողովուրդք մի՛ ըստ հաճոյս իւրեանց ընտրեցեն ժողովրդապետս այսինքն՝ ծխատէր, այլ՝ հրամանաւ եպիսկոպոսին:

Ի. Քահանայք միանգամ ի տարին մասնաւոր ինամովք քննեցեն զընթացս ժողովրդեան իւրեանց, թէ յորում զարգանան և յորում նուազին:

Իա. Ժողովրդականք տայցեն հասս քահանայից:

Իբ. Քահանայք հոգացեն վասն պիտոյից եպիսկոպոսացն:

Իգ. Նոյնպէս եպիսկոպոսունք վասն Հայրապետական Աթոռոյն:

Իդ. Արկղքին ազօթքն՝ առաւօտու և յերեկոյն՝ այս ինքն Գահաճաճ գլխն և Լոր յայնից մերոյն, յորոց ի վերջն երգեմք զՍորք Եսպոսան, աւարտեցին ի դէմս Որդւոյ՝ յարելով զկնի գրառսք Քրիստոս Եսպոսան մեր. զի յայանի ծանիցի թէ ի դէմս Որդւոյ ասի Խաչեցարն:

ԳԼ. ԼԹ.

Երբ որ Ժողով է Սին յազգս վարդապետացն հասարակ Հոգոյն որքոյ:

(Մեք Տեան 1251):— Եյս ինդիր շարթեցաւ, ասէ Այրդան մերս պատմագիր, ի մեծ պապէն Հոսովմայ (Իննովկենաիոս Գ.) ի թուին Հայոց Չ. և գրեաց յամենայն ազգս քրիստոնէից, առ Աոստանդին Աթուղիկոս և առ արքայն մեր Հեթում, թէ պարտ է զամենասուրբ Հոգին Եստուած՝ խոստովանել ի Հօրէ և յԱր-

դւոյ բղխեալ, և ոչ եղև հաճոյ, ասէ, Յունաց և Եսորւոց, բաց ի Հայոց:

Ընդ որ արքայ և Հայրապետն դումարեն ի Սին Ժողով Ապիսկոպոսաց և Այրդապետաց Հայոց, յորում և ինքն գտանէր Այրդան, հաւանեցան ընդ այն, զորմէ Աթուղիկոսն և Արքայ գրեցին ասպա առ եպիսկոպոսունս ի Մեծն Հայս և մասնաւորապէս առ Անական վարդապետ համբաւեալն իմաստութեամբ ի ժամանակին:

Իսկ Արեւելեան Այրդապետք քննեցին, ասէ նոյն Այրդան, զդաւանութիւն առաջնոց սրբոց ի ձեռն աստուածամերձ վարդապետին Անականի, և զաին զայն համախոհ երեւելի արանց փառաւորաց՝ Աթանասի, Գրիգորի Եստուածարանի, Գրիգորի Նիւսացւոյն, Գրիգորի Ասուորչին և այլոց սրբոց:

Հայաստանեայցս Ակեղեցի, առ որս ասել մնայ մեզ, չէ շեղեալ երբէք ի բանից սրբոց Հարց՝ ի հաւատոյս՝ որք հիմնեալք են ի վերայ Աւետարանին բանի, այլ խորշեալ է միշտ և խորշի ի նորաստեղծ և ի նորամոյծ բառից ինչ ի յետագայից՝ ի վարդապետութիւնս հաւատոյ, որպէս Բիւրճն ասել Հոգւոյն սրբոյ՝ և յՈրդւոյ. զոր և նա ինքն իսկ ոչ ուրանայ Չամչեան. զի բովանդակ վկայութիւնս վարդապետաց եկեղեցւոյ մերոյ, զորս յառաջ բերէ նա ի պատմագրութեան, Գիրք Գ., զԼ. Լ. Ե., ոչ երբէք գտանի բղխումն Հոգւոյն սրբոյ ասացեալ՝ և յՈրդւոյ, մանաւանդ ի Անականին բանս, որով ջանայ ցուցանել զայս վարդապետութիւն. զի բղխումն և ելումն՝ ոչ նոյնանշան իմաստս ունին. Ակեղեցի

Հայոց և վարդապետք նորին ընդ սրբոյ
 Լուսաւորչին իւրոյ ըստ Փրկչին բանի
 սուրբ Եւետարանին խոստովանի, զՀո-
 գին ճշմարտութեան, որ ի Հօրէ ելանէ,
 Յովհ. 41. Ժ. 1. 26: Եւ զի առնու յոր-
 դոյ՝ վկայի ևս անդ. յիմէ անախ առնու.
 Ժ. 9. 14. խոստովանի նոյնպէս զհամա-
 գոյակցութիւն Հօգւոյն սրբոյ ընդ Հօր և
 ընդ Արղւոյ՝ ըստ սրբոյ Լուսաւորչին,
 « Հայր յանձնէ, Արղի ի Հօրէ, և Հո-
 գին սուրբ ի նոցունց էութենէ », :

Եպա չին մեզ այլ վարդապետութիւն
 կարեւոր ի դաւանութեան Հօգւոյն սրբոյ՝
 աւելի քան զքարոզեալն մեզ ի սուրբ Ե-
 ւետարանէն և ի մերոյ Լուսաւորչէն, ըն-
 դունայն և անհիմն պահանջուներ են
 պապից, և ընդվայր յեղծելու մն թղտոմ
 բառիս՝ ի Չամչեանէ, մինչդեռ նա անհա-
 ւատարիմ գտանի այսպէս յիւրմէ իսկ
 յառաջ բերելոցն բանից սուրբ վարդա-
 պետաց մերոց, յորս ոչ գոյ բառդ, որպէս
 սասցաք:

Գ. Լ. Խ.

Զորորդ ժողով ի Սէն Էստիան Ժողովարկի:

(Եմք Տեառն 1292): — Յամին 1292
 գիպեալ Չառգատիկ՝ այն է խոտորումն
 աւուր տօնի Չատիկին, յարեաւ խոռովու-
 թիւն, վէճ և աղմուկ ի ակզիս տեղիս,
 մինչև սմանց ի վեցն Եպրիլի ընդ Յոյնս
 կատարել զտօն, և բազմաց ըստ առաջնոց
 առմարին միով շարթով յետոյ քան ըզ-
 Յոյնս, և առ այս երկաքանչիւր կողմանք
 յիւրաքանչիւր կարծիս պնդեալ, հոկա-
 սակութեամբ ընդ միմեանս վիճէին:

Չայս ամենայն կամեցեալ արքայի
 Հեթմոյ բառնալ ի Բողովրդինէ և ի հո-

գեորականաց, կոչեալ առ ինքն ի Ան
 զՍահփաննոս Սաթուղիկոս ի Հոռովկա-
 յէ, հրամայէ գումարել ժողով Ապիս-
 կոպոսաց և վարդապետաց ի քաղաք անդր:

Եպա ի ժողովին յայնմիկ անաչառ
 քննեալ զուղիղ ժամանակ գատիկ և ըզ-
 գուշաւոր հետազօտութեամբ ի վերայ
 հասեալ, յայնմ ամի ընդհանուր Արիկիա
 տօնէ զգատիկն ընդ Յունաց ի վեցն Եպ-
 րիլի, բայց ըստ պատմութեան Արիկիոյ՝
 բնակիչք Մեծին Հայոց ի Աեսարիոյ ի
 վեր՝ ուրոյն ի Արիկեցւոց ըստ իւրեանց
 առաջնոց սովորութեան տօնեցին յայնմ
 ամի զգատիկն միով շարթով յետոյ քան
 զնոսա:

Գ. Լ. Խ.

Եւազին ժողով ի Սէն Էստիան, որ Գրեցա-
 լեան Սա Չարիգորի Սաթուղիկոս Եւապար-
 զեցի լասն անիոնի պահելոյ դժեաս Հայաս-
 Կանեայց Ելիկեցոյ:

(Եմք Տեառն 1294): — Վարդապետք
 Երեւելեան Արիկեցւոյ Հայոց լուեալ ըզ-
 յաջորդութիւն Չարիգորի Եւաւարդե-
 ցւոյ յաթոռն Հայրապետական, սկսան
 խոռովիլ ընդ այն, յարուցանելով տըր-
 տունջ ընդ մէջ, զի գիտէին՝ եթէ նա
 հետամուտ է ծիսից փոփոխութեան, նը-
 մանելով այլոց ազգաց. ըստ որոյ և Հո-
 ոռմն կոչէր մականուէն նորա. զի ի յա-
 ջորդութեան Աոստանդեայ Արկիորդի յա-
 մի 1287, յորժամ Լեոն արքայ ջանայր
 հաւանեցուցանել զժողովն, զի ընտրեսցի
 նոյն ինքն Չարիգոր, հարք ժողովոյն բո-
 վանդակ ընդգէմ կացեալ կամաց արքա-
 յին, ոչ ընկալան զնա, զի Հոռոմ է ա-

սէին, զառաջնորդութիւն այդպիսեաց ոչ կամիմք. որով և խափանեցաւ զառաջին ընտրութիւն նորա:

Եպա զահալալալ սմին Գրիգորի յաթոնն Հայրապետական յամին 1294, յիտ գերութեան Սահփաննոսի Գ.ի յԱզգիպտոս, առ աւերանացն Հոովմիլայի, փոխեաց զԱթոռ կաթուղիկոսութեանն ի Սիս, ջանացաւ զայսոսիկ ծէսս մուծանել յԱրկեղեցի Հայոց ըստ Ատփնացւոց և Յունաց եկեղեցեաց:

ա. Խառնել ջուր ի բաժակն, և յաւելուլ ինչ ինչ ի սպաս պատարազի:

բ. Բառնալ զԽաչէցարն ի սրբասացութիւնէ:

գ. Չամենայն տօն տօնել ըստ աւուրց ամսոց:

դ. Պահել պահս հսկմանց ըստ Ատփնացւոց, նոյնպէս և զայլ քանի մի պահս:

ե. Փոխել զբանս Մաշտոցին ի կանոնս մկրտութեան, գրոշմի, ձեռնադրութեան և այլոց օրհնութեանց:

զ. Միայն ի չորս եղանակս տարւոյն ըստ Ատփնացւոց առնել ձեռնադրութիւնն:

է. Փոխել ինչ ինչ ի ժամերգութեան յառաւօտու և յերեկոյի, և յաւելուլ ի նոսին պէսպէս կցուրդս այլոց ազգաց:

ը. Ի կիր առնուլ զիւղ երկխայից:

թ. Պատարել զխորհուրդ վերջին օձման հիւանդաց:

Եւ վասն այսոցիկ ամենայնի կատարմանց արարեալ էր նա զնոր տօնացոյց պահեալ ի ծածուկ առ իւր. զի սպասէր յաջող ժամանակի ի լոյս ածելոյ. բայց յայս սրմ ամենայնէ կանոնաց և ոչ մին ընկալալ եղև ուրեք ոչ ի Արկեղիս, և ոչ յա-

րեելս. միայն, զի վերջին օձումն ոմանց եղև ընդունելի. և ինքն ի ճիսիցն, զորս կարէր, կատարէր ի ծածուկ. զորոց ոմանց վկայէ ինքնին, որպէս խառնել զջուր ի բաժակն. և ին:

Տեղեկացեալ Երևելեան Արդապետք ի լոյ, թէ Գրիգոր Աթուղիկոս գայս ամենայն Ատփնադաւան և զՅունադաւան փոփոխութիւնս յառաջադրեալ է մուծանել ի ծէսս եկեղեցւոյ Հայոց, կամ լաւ ևս, բառնալ զայնս. զժկամակ յոյժ ընդ նորաձեւութիւն, արարին ժողով ի Սիւնիս յամի 1294. ուր և գրեալ թուղթս առ նա ինքն Գրիգոր, աւաքեն բազմանուն ստորադրութեամբ, զորոց զանուանս և զթղթոյն պատճէնս զնեմք աստանօր:

Սարգիս Ապիսկոպոս առաջնորդ Եորավանից, Գրիգոր Ապիսկոպոս Ստաթեաւ, Յովհաննէս Ապիսկոպոս Բջնոյ, Յովհաննէս Ապիսկոպոս Հաղբատայ, Գրիգոր Արդապետ Բջնեցի, Մարգար Արդապետ եղբորորդի Աննական վարդապետի, Եսայի Արթապետ որոյ աշակերտ էր Յովհաննէս Բանեցի, և Գաւրիթ Արդապետ յԱյրարատայ, ընդ որս և Սահփաննոս Ուրբելեան Ապիսկոպոս Սիւնեաց, և եղբայր նորա Արեղուժ իշխան, և հօրեղբորորդի նոցա Արպարիտ որդի Իւանեայ և այլ ևս իշխանք:

Իսկ ի թղթոյ ժողովոյն՝ կարևորան և եթ զնեմք աստանօր. յորում նախ յայտնեն Աթուղիկոսին զկասկածանս իւրեանց յառաջադոյն ևս զնմանէ վասն ծիսափոխութեան նորա, և համարեալ զայն, ասէ յերաշնդումն կրօնից և աւանդութեանց, ազդեն նմա ի բաց կալ յայնօրինակ նորաձեւութեանց. ապա այսպէս ուրեմն ա-

ւարտ ասն բանից իւրեանց. «Պատու-
թիւն լիցի աստուածային զլսոյ Հայրա-
պետութեանդ, զի թէպէտ հնազանդ եմք
ամենայնիւ Տեառնդ մերոյ, սակայն ազա-
ջեմք զանտի կարծիս կրսեր. և տգէտ մտաց
մերոց բառնալ և բժշկել. զի տկարն յա-
մենայնի շահել պարտ է. և զոր խնդրեմքս՝
հեննեախիսն թղթովք ձեռնագրել և առ-
նել ձեռնարկ հաստատուն և անկախ կր-
տակաւ՝ միաբանութեամբ սուրբ և եր-
ջանիկ եպիսկոպոսացդ, և ուղարկել առ
մեզ իբր զյետկար անջինջ, զի յայնժամ
առաւել հաստատութեամբ և հլու հը-
պատակութեամբ հնազանդ լիցուք աս-
տուածային զլսոյդ. և թագաւորեսցես
յեկեղեցիս մեր՝ գահաւորեալ որպէս գա-
րեզակն. ապա թէ աւելի ինչ կամ պակաս
կամիք մուծանել յեկեղեցիս մեր, զոր ոչ
ունինք ի հարցն, և կամ գրեալքս խո-
տան են առ ձեզ, յայնժամ մի՛ աշխատ
լինիք, և մի՛ զմեզ աշխատ առնէք. ըստ
ձեր կամաց լիցի աշխարհդ այդ, և այլ զք-
որ կամիցի, և զմեզ թողէք ի մեր գիտու-
թիւնս. և մեք կացցուք մնացուք՝ ակ-
նունելով վերին այցելութեանն: Ազջ-
լիւր թագաւորական արգասիւքդ ծնողդ
խմաստից, և անվախ ախոյեանդ սուրբ եկե-
ղեցւոյ Պրիզորիոս կաթողիկոս Հայրոց,
և Տէրն տերանց հովանացի ի վերայ գլխ-
սոյդ):»

Գ. Լ. ԽԲ.

Հէգեթորդ Ժողով է Սեւ լասն հասարայ և
Զեհեց:

(Մեք Տեառն 1307): — Հինգերորդ
Ժողովն Սոյ իզև յիս մահուան Պրի-

զորի Անաւարդեցւոյ հրամանաւ Ալեոնի
արքայի և Հեթմոյ թագաւորահօր. վասն
զի նախ ժողովով ընտրեցի նոր կաթու-
ղիկոս և ապա ընկալցին և հաստատեսցին
զկանոնս ծիսափոխութեան Պրիզորի զա-
րարեալն ի կենդանութեան իւրում. զորս
նա ցանկայր առ իւրով ժամանակօք հաս-
տատել ի ձեռն Ժողովոյ յեկեղեցիս Հա-
յաստանեայց. զորոյ և զհանգամանս նախ
առաջի դիցուք, որպէս և յիշատակեցաւ
ի վեր անդր:

Պրիզոր Անաւարդեցի յառաջագոյն
պատրաստեալ զփոփոխութիւն ծիսից,
զոր վաղուց ի մտի եղեալն էր, այն ինչ
խաղաղանայր աշխարհ Ալիլիկոյ, ապա
առ ի հաւանեցուցանել ընդ այն զա-
րեւելեան եպիսկոպոսունս, ժամ պատեհ
վարկուցեալ գրէ առ ամենեսին նոսա
թուղթս՝ առաջի առնելով նոցին զխոր-
հուրդ իւր. որոց երեւելքն են Յովհան-
նէս Արբէլ Արքեպիսկոպոս Սիւնեաց, որ
պայազատէր և զմարմնաւոր իշխանու-
թիւն աշխարհին. Օսքարիա Ծործո-
րեցի Արքեպիսկոպոս Արտազու և առաջ-
նորդ Թադէոսի վանաց. Յովհան վար-
դապետ Ծործորեցի՝ այն է Ազնկայի.
Յովհաննէս Արքեպիսկոպոս Բջնոյ և առ-
բագումն:

Ապա իբրև յարեաւ հակառակութիւն
ընդ մջ Յովհաննու Արբելի և Օսքա-
րիայ Ծործորեցւոյ ընդ բանս թղթոց կա-
թողիկոսին յարեւելս, որք և հանգամա-
նօք իսկ հասին ի լուր ինքեան Պրիզորի,
ևս և յայլ և այլ կողմանց այլ և այլ զրոյց
ընդ բանս թղթոց նորա յաղագս փոփո-
խութեան ծիսից, կասկածեալ, եթէ խա-
փանեցի դուցէ խորհուրդ իւր, զոր ցան-

կայր հաստատել ժողովով ի կողմն իւր ունելով զԱւոն արքայ. բայց զի ոչ ինչ իշխէր առնել թագաւորն առանց հրամանի թագաւորահօրն Հեթմոյ, նորին ազգաւ ապա Գրիգոր Աթուղիկոս գրեաց յաղագս փոփոխութեան ծխից և ժողով առնելոյ ստիպմամբ առ Հեթում թուղթ յորդորանաց խնդրեալ ի նմանէ՝ ժողով լինել և զարժանի փոփոխութիւն ծխից ընդունել և համաձայնիլ այլոց եկեղեցիաց, ըստ որոյ և ինքն պատրաստէր ըզնամակ դաւանութեան, նշանակելով ի նմին զինն գլուխս բանից, զորս ցանկայր ժողովով հաստատել, սպասելով պատասխանոյ առ ի Հեթմոյ:

Ելլ մինչ չե ընկալեալ էր Գրիգորի ըզկատարումն փախազանաց իւրոց՝ հասեալ նմա վաղձան, փոխեցաւ յաստեաց յամի 1306. զորոյ զմահուանէն Ղազար Աթուղիկոս Չահկեցի ի գլուխս ժողովոց այսպէս վկայէ, համարելով աստուածահաս պատուհաս. «Քանզի, ասէ, Գրիգոր Ենաւարզեցի յաւուր միում մինչ նստեալ ի վերայ աթոռոյն իւրոյ հայհոյէր զառաջին սուրբ Հայրապետս մեր, նոյնժամայն յանկարծակի անկեալ յաթոռոյն զիւահարեցաւ, և բազում աւուրս լլկեալ ի զիւաց, յանկարծակի դառն մահուամբ վճարեաց զկեանս իւր, »:

Ապա ի հրամանէ արքայի և թագաւորահօր՝ որպէս յիշեցաք ի վերոյ՝ գումարեալք ի ժողովն ի Ախ, քառասուն և մի Ապիսկոպոսք, որոց անուանք մի առ մի յրեալք են յընդարձակ պատմագրութեան Չամչեանի, տասն վարդապետք, և Իօթն վանահարք, քահանայք և երէցք արքունի պալատանն և այլք, և կրօնաւորք

ոչ սակաւք, և արքայ և Հեթում և պարագայք և պալատականք նոցին, ընդ որս և իշխանք աշխարհին և պարոնայք, ընթիւրցան զնամակ դաւանութեան Գրիգորի և ընկալան զինն գլուխս բանս փոփոխութեան ծխից բովանդակեալսն ի դաւանութեան, որ դէպ ի ստորև, և ստորագրեցին այնմ նամակի հարք ժողովոյն յանձնառութեամբ ամենայնի այնոցիկ:

Յետ որոյ հաւանութեամբ բովանդակ ժողովոյն կոչեցաւ վերստին յաթոռ Հայրապետութեան Առստանդին Աեսարացի՝ ընկիցեալն յաթոռոյ ի Հեթմոյ Բ. արքայէ, փոխանակ Գրիգորի:

Առնն՝ դասնութեան իդրոյն Գրիգորի:

ա. Խոստովանիլ ի մի անձն Քրիստոսի բացայայտ բառիք զերկուս բնութիւնս և զերկուս կամն և զերկուս ներգործութիւնն՝ զաստուածային և զմարդկային:

բ. Յերեքսրբասացութեան յաւելուլ զբառդ Քրիստոս, և ասել, Առքէ Աստուծ, առքէ և հօրք, առքէ և անձանք Քրիստոս, որ խաչեցար վասն մեր, ողորմեա՛ մեզ:

գ. Տօնել զտօն Ծննդեան Քրիստոսի ի Վեկեմ. 25, ըստ Յունաց և ըստ Ատաինացոց. ըստ այսմ և զայլ տօնս, որք ի նոյն հային՝ ըստ պատշաճի աւուրց ամսոյ. նոյնպէս և զայլ ամենայն տօնս ըստ Ե. յամաւուրաց կատարել:

դ. Պահել զաւուրս հինգ վասն տօնի Ծննդեան Քրիստոսի, և զաւուրս հինգ վասն տօնի Յայտնութեան Քրիստոսի:

ե. Ի ձրագալոյցան Ծննդեան, և Յայտնութեան և Յարութեան՝ ձկամբ և ձիթով միայն լուծանիլ:

ԳԼ ԽԳ

Առաջին ժողովը յԱռանայ վասն Յիսից և հասարոյ:

(Մեք Տեառն 1316):—Տեսեալ Օշնի եթէ բռնանալով ի վերայ եպիսկոպոսաց և առաջնորդաց աշխարհին՝ ոչ երբէք ածէ զազն և զԼեկեղեցին յընդունելութիւն ծխօց և փոփոխութեան կանոնացն, այլ յաւետ երկպառակութիւն, և մահ և օձառումն ի միմեանց յառաջանայ յազդին, մանաւանդ թէ և Գրիգոր Եպիսկոպոս Ապրնոյ սպանաւ վասն խառնելոյ նորա զջուր ի բաժակն, և թէ Սարգիս եպիսկոպոս Երուսաղեմի առ սան արկեալ զհրաման իւր և Արստանդեայ Աթուղիկոսի, հրամանաւ ամիրային Եղիպտոսի նստաւ յԵրուսաղեմ, և ընդվզեալ ի կաթուղիկոսական իշխանութեանէ, ինքնազուլս վարէր զիշխանութիւն, յղեաց դեսպանս առ Աղեմէս պապն շնորովնայ վասն դժտութեան ընդ մեջ իւր և արքային Արարոսի, և ս վասն հրաման ինդրելոյ ի նմանէ պահել ի պաշտան իւրում զվեց Աստին կրօնաւորս ի վանացն Արարոսի, առ որ և պապն զրեալ, հրաման տայ պահել ըստ ցանկութեան իւրում զկրօնաւորսն ի պաշտան իւր:

Ընդ այս խրատուեսեալ արքայի առնու ի ձեռն զարձեալ զստիպումն առաջնորդաց՝ վասն անխափան պահելոյ զկանոնսն, և իբրև ոչ կարաց առնել ինչ ըստ առաջնումն, յարուցանէ հալածումն մեծ ի վերայ նոցա, ընդ որ և ս հուսկ ուրեմն անձարացեալ, վերստին ժողով արար հրամանաւ իւրով յԱռանայ քաղաքի ի սաճար սրբոյն Մինասայ յամի 1316, ի

ներկայութեան իւր և բոլոր պաշտականացն և մեծամեծ իշխանաց և նախարարաց տէրութեան իւրոյ:

Յայս հրաման արքունի բազումք զըժուարացեալք, ոչ խկեկին ի ժողովն, խկորսակաք յեպիսկոպոսաց դտան անդ, էին անձինք եօթնեւտասն, որք հնազանդեալք հրամանին՝ ընթերցան զսահմանադրութիւն ժողովոյն և զինն կանոնս այնորիկ, և ս և զնամակ դաւանութեան Գրիգորի, ընկալան դարձեալ և հաստատեցին զայն ստորագրութեամբք ամենեցուն:

Բայց այսոքիկ սահմանադրութիւնք և ինն կանոնք թէև երկիցս հաստատեցաւ, թէև ընկալաւ ի ժողովն, այլ նոքին խկհարք ժողովոյն առաջնոյն և վերջնոյս՝ երբէք չվստահացան կատարել յեկեղեցիս առ ահի ժողովրդոցն, ըստ որոց երևի թէ՛ բանութեամբ իշխանութեան լինէին ժողովքն:

ԳԼ ԽԵ

Եօթներորդ ժողով ի Ան վասն պապոս խանելոյ նամակի Պապին:

(Մեք Տեառն 1342):—Յառաջնում ամի Հայրապետութեան Մխիթարայ Քանեցւոյ, Ներսէս Եպիսկոպոս Արմեայ տուեալ զանձն ի կարգս Ունիթոսաց եկն առ նա, որ հաղածանս կրեալն էր յազգէն ցայն վայր յաւուրս Յակովբայ Սեցւոյ, այլ իբրև և ի Մխիթարայ յանդիմանեցան գործք նորա իբրև արհամարհող օրինաց, դարձաւ գնաց առ Բենեդիկտոս Պապն շնորովնայ, և յԱւենիտն քաղաք, և յարեալ անդ յոմանս յազգէ Հայոց՝ որք ի կարգէ Ունիթոսացն էին, և յին-

նայ մուծեալ յեկեղեցիս Հայոց ուրիք
 ուրիք ի Մեծն Հայս և յընդհանուր զը-
 բեթէ Արիկիայ սահմանադրութիւն խաւ-
 ներոյ զջուր ի սուրբ բաժակն, բազում
 վէճք և ազմուկք յայն սահմանն յառ-
 նէին, յաւէտ ևս խռովութիւնն բորբո-
 քեալ ի վանօրայս, յերիցունս և ի ժո-
 զովուրդս, սրօք և բրօք զըբեթէ պատահէին
 միմեանց և ոճիրս բազումս գործէին. զի
 տանք պնդէին թէ՛ պարտ է խառնել
 զջուր ի բաժակն. և այլք թէ՛ պարտ է
 զանապակն պահել ըստ առաջին սովո-
 թութեանն:

Ապա Մեսրոպէ Հայրապետ յԱրտազ
 գաւառէ, որ յաջորդեալ յԱթոռն էր
 յետ Յակոբայ Սեղեւոյ, ջանացեալ խա-
 ղաղել զնոսին, առնէ ժողով եպիսկո-
 պոսաց և վարդապետաց աշխարհին Ար-
 լիկիոյ ի Սիս. և յետ բազում խորհրդոց
 և բանից ընդ մէջ մտելոյ՝ հրամայէ ա-
 մենեցուն միօրինակ վարել ըստ առաջ-
 նոյ սովորութեանն, այս ինքն անսպակ
 զինեալ կատարել զխորհուրդ պատարա-
 զին. որով և բարձաւ յայնմհեաէ և յա-
 պա գործածութիւն խառնելոյ զջուր ի
 բաժակն, ամենայն ուրիք, նա և յաշխար-
 հին իսկ Արիկիոյ:

(Շ-բ-ն-է-է)

ԱՐԷԼ ԱՐՐԵՊԵՍԿՈՊՈՍ.

ՀԱՅԱՍՏԱՆԵԱՅՑ ԵԿԵՂԵՑԻՈՅ ԱՆՑԵԱԼՆ:

(Շ-բ-ն-է-է):

Սուրբն Սահակ Պարթև և երանելին
 Մեսրոպէ-Մաշտոց՝ Հայաստանեայց Ա-
 կեղեցւոյ շարունակութեան և պայծա-

սութեան մէջ տեսնուած փառաւոր և
 սքանչելի արդեանց և սխրագործութեանց
 նկատմամբ՝ զկնի Ս. Պարթևոր Պարթև
 երկրորդ լուսաւորչի՝ Հայոց եկեղեցւոյ՝
 Ազգի և Հայութեան մեծարդիւն՝ բազ-
 մերախա և անմահ բարերարներ կհանդի-
 սանան, — որոց բազմապատակ քրտանց
 վսեմ արգասիքներ՝ անհամեմատ իմն ա-
 ռաւելութեամբք հիւսուած կպանծան և
 կծածանին Հայութեան դարաւոր զրօ-
 շակին վերայ՝ ամեն վասնգներէ և մեքի-
 նայութիւններէ զերծ և ապահով պա-
 հելով՝ և ցյաւիտեանս անվթար և ան-
 ջինջ փայլեցնելոյ ուխտը աւանդելով ա-
 մեն հռանդուն և հարազատ Հայկազանց:

Ապաքէն մինչև ցտուրբն Սահակ Պար-
 թև Աթուղիկոս՝ սկսեալ ի Ս. Պարթ-
 վոր Պարթևէ ըստ բազում մասանց՝ Հա-
 յաստանեայց եկեղեցւոյ պայծաութիւ-
 նը որ քան զոր փառաւորուեցաւ և Վը-
 ռիստոնէական կրօնի ուսումը զարգացաւ,
 սակայն առանց խորարմատ հաստատելոյ
 մի երաշխաւորեալ զօրաւոր միջոցի կա-
 տարելութեան մէջ՝ վասնզ կսպանայր
 երբեմն անիշխանութեան մասնուելով՝
 ամեն կարգադրութեանց, բարեկարգու-
 թեանց, բարենպատակ համայն ջանից և
 նոյն իսկ կրօնի ուսման հիմնայատակ տա-
 պալելոյն կամ մոգակրօնութեան մէջ՝ և
 կամ որ և իցէ մի հզօր և բազմակուլ օ-
 տար ազգի բռնութեանց և որոգայթից
 մէջ, զոր ժամանակակից ինչ ինչ քաղա-
 քական և կրօնական անցքեր ևս կհա-
 ւաստէին:

Այս ամենի երաշխաւորեալ զօրաւոր
 միջոցն էր Ազգային հարստապ լեզուի և
 մարտնչութեան զարգացումը և Հայկա-